

# J vous de la Valgranda

## SanMatio

Co la regina de San Matio la vole l'acqua rento 'l so castello,  
ma che la porta el capitano, quel che comanda la città de Giano.  
Ma 'l capitano ga za l'amore, la ze la fiola de Lilano Belo;  
el se le porta nel so castelo e l'indormenza co 'le serenate.  
Le serenate del capitano le sveja tuta la città de Giano.  
Ma la regina no' ze contenta: la vole l'acqua de la Valle Scura.  
El capitano el ga paura, el ga paura de la Busa Fonda.  
La Busa Fonda, la Busa Nera, el capitano belo el se dispera.  
El se dispera el capitano, quel che comanda la città de Giano.  
Ma la regina no' ze contenta: la vole l'acqua rende l'erba menta.  
Co' l'erba menta, co' l'erba amara, la Busa Fonda la diventa ciara,  
col primo sole de la matina, el capitano trova l'acqua fina  
Col primo sole, la prima onda, co' l'acqua fina la diventa bionda,  
col primo sole de la matina, el capitano trova l'acqua fina.  
Col primo sole, la prima onda, co' l'erba menta la diventa bionda,  
col primo ciaro de la matina el capitano beve l'acqua fina.  
Ma la regina no `ze contenta: la vole l'acqua rento 'l so castelo;  
che ghe la porta, col capitano, la vol la fiola de Lilano Belo  
Lilano Belo dal campo tondo ga tanti fiori che profuma 'l mondo,  
ma 'l capitano li porta via così la storia `desso ze finìa.  
La ze la storia del capitano, quel che comanda la città de Giano.  
La ze la storia de la regina che la voleva tuta l'acqua fina.  
Ma 'l capitano la porta via, così la storia `desso ze finìa.

Parole e musica di Bepi De Marzi